



Stellenbosch

UNIVERSITY
IYUNIVESITHI
UNIVERSITEIT

EyezeMfundo

liNkqubo ze-BEd zika-2024 INgcaciso ngeNkqubo

forward together
sonke siya phambili
saam vorentoe

www.sun.ac.za



Injongo yeenkqubo ze-BEd kukuqeqesha nokulungiselela abafundisi-ntsapho ukufundisa iBanga R ukuya kwiBanga 3 (iSigaba esisiSiseko) okanye iBanga 4 ukuya kwiBanga 6 (iSigaba esiPhakathi). Le bhrowutsha iza kukubonelela ngengcaciso ethe vetshe malunga neemfuno neeyantlukwano phakathi kwezi nkqubo zimbini.

IIMFUNO ZOKUNGENA KUZO ZOMBINI EZI NKQUBO:

IIMFUNO JIKELELE		
- Isetifikethi esiKhulu seSizwe (NSC) okanye isetifiketi sokuphuma esikolweni sabeBhodi yeeMviwo eZimeleyo esinomndilili wamanqaku ongama-60% ubuncinane. - Izifundo ezingenisa eyunivesithi ezine, nalapho isifundo ngasinye sipaswe ngenqanaba 4 (level 4) ubuncinane.		
IIMFUNO ZEELWIMI		
Ukuba esikolweni ubufunda ngesi-Afrikansi:	Isi-Afrikansi nolunye kwiilwimi ezimbini ezizezinye zikwezi leveli zilandelayo:	
	Isi-Afrikansi (uLwimi lwaseKhaya okanye uLwimi oLongezelelweyo loKuqala)	IKhowudi 5/60%
	IsiNgesi (uLwimi lwaseKhaya okanye uLwimi oLongezelelweyo loKuqala) okanye isiXhosa (uLwimi lwaseKhaya okanye uLwimi oLongezelelweyo loKuqala)	IKhowudi 4/50%
Ukuba esikolweni ubufunda ngesiNgesi:	IsiNgesi nolunye kwiilwimi ezimbini ezizezinye zikwezi leveli zilandelayo:	
	IsiNgesi (uLwimi lwaseKhaya okanye uLwimi oLongezelelweyo loKuqala)	IKhowudi 5/60%
	Isi-Afrikansi (uLwimi lwaseKhaya okanye uLwimi oLongezelelweyo loKuqala) okanye isiXhosa (uLwimi lwaseKhaya okanye uLwimi oLongezelelweyo loKuqala)	IKhowudi 4/50%
- Kufuneka kube phakathi kokuba ube upase Isi-Afrikansi (uLwimi lwaseKhaya okanye uLwimi oLongezelelweyo loKuqala) okanye isiNgesi (uLwimi lwaseKhaya okanye uLwimi oLongezelelweyo loKuqala) kwiKhowudi 5 ye-NSC (60%) - Ukuba wenze olunye ulwimi olusesikweni (uLwimi lwasekhaya okanye uLwimi oLongezelelweyo loKuqala) endaweni yesi-Afrikansi nesiNgesi, kufuneka ube olo lwimi ulupase ngama-50% ubuncinane (iKhowudi 4). - Ukuba ufumene uKhowudi 5 (60%) kwesinye sezifundo zolwimi ezidweliswe apha ngentla, kodwa olo lwimi akulolwimi ubufundiswa ngalo, ungabonelelwa ngokungena okungokuzithandela.		

IIMFUNO ZEZIBALO		
Kufuneka ukuba ube upase enye yezi zilandelayo:	Izibalo	iKhowudi 3/40%
	ILitherasi yeZibalo	iKhowudi 5/60%
Abafundi abazibhala iimviwo zabo zokugqibela ngaphambi ko-2008 kufuneka babe bapase iZibalo (SG) kwinqanaba leBanga le-12 ubuncinane.		
IIMFUNO EZIYIMFUNO UKUZE UFUNDISE IZIFUNDO (Kwisigaba esiPhakathi SE-BEd KUPHELA)		
Abafundi be-BEd abenza izifundo zokuFundisa kwiSigaba esiPhakathi kufuneka bathathe iimodyuli ezingokuzikhethela ezimbini ubuncinane kunyaka wabo wokuqala njengezifundo abasenokuzifundisa. Ezi mfundo ziyimfuneko zilandelayo ziyasebenza ngokuphathelelene nezo zifundo:		
IiNzululwazi zezeNtlalo	Kufuneka ube upase esinye ubuncinane kwezi zifundo zilandelayo kwibanga le-12 ngama-50% ubuncinane (iKhowudi 4):	
	EzeeMbali; okanye	
	Ijiyografi	
IiNzululwazi zezeNdalo	Kufuneka ube upase esinye ubuncinane kwezi zifundo zilandelayo kwiBanga le-12 ngama-50% ubuncinane (iKhowudi 4):	
	IiNzululwazi ngezinto eziPhilayo; okanye	
	IiNzululwazi ngezinto eziBambekayo	
Izakhono zoBomi	Akukho zimfuno ziyimfuneko zisebenzayo.	

INKQUBO YOKUFAKWA KWEZICELO NOMHLA WOKUVALA

- Faka isicelo nge-intanethi ku-**www.maties.com** uze ubonakalise i-BEd njengesinye sezifundo ofuna ukuzikhetha.
- Xa ufaka isicelo sokuba uthathwe, kufuneka ubalule inkalo yolwazi ofuna ukugxila kuyo. Ungakhetha phakathi **kweSigaba esiPhakathi (IP – Intermediate Phase)** ne**Sigaba esisiSiseko (FP – Foundation Phase)**.
- Ukufakwa kwezicelo kuyavalwa ngomhla wama-**30 kweyeKhala**. Inkqubo yokukhethwa kwabantu iya kuqala kungekudala emva koko.

Nceda uqaphele ukuba iinkqubo ze-BED ziinkqubo ekukhethwayo kuzo kwaye akuyonto iqinisekisiweyo ukuba uya kungena kule/ kwezi nkqubo, nkqu nokuba ungabe unazo izinto ezifunekayo ukuze uthathwe. Kukufaneleka ngokwezemfundo kuphela okubalayo ngelixa lenkqubo yokukhetha.



BEd ISIGABA ESISISEKO

IZIQINISEKISO ZOKUBA NGUTITSHALA WEBANGA R – 3

Le nkqubo ibonelela ngeenkqubo zeendlela nemfundo ebonakalayo ejolise kwiBanga R kunye neBanga loku-1 – kwelesi-3.

Imiba ekuqwalaselwa kuyo kule nkqubo iquka

- Ukufundisa iBakala R
- Ukufunda nokubhala (izakhono zolwimi)
- Ukubala (izakhono zemathematika)
- Izakhono zoBomi (ziquka uMculo, ubuGcisa obubonakalayo, uMdaniso noMdlalo weQonga neMfundo ngokwaseMzimbeni)

Izifundo eziqulathwe ziimodyuli (iMathematika, iiLwimi, iZakhono zoBomi) kufuneka zilandelwe kwaye zigqitywe ukususela kunyaka wokuqala ukuya kowesine.

Qaphela: izinto ezifunekayo zisebenza kuzo zonke ezi modyuli.

Amava okwenza nenkxaso aza kufumaneka ngoqwalaselo oluhlangeneyo nangezikolo ezisebenzisana neFakhalthi yezeMfundo ekufundeni.



BEed ISIGABA ESIPHAKATHI

IZIQINISEKISO ZOKUBA NGUTITSHALA WESIKOLO SAMABANGA APHANTSI (IBANGA LESI-4 – KWELESI-6)

Le nkqubo ijolise kwizakhono zokufundisa, iindlela noko kuqulathwe zizifundo kulungiselelwa ootitshala abaza kufundisa abantwana abadala abakwizikolo zamabanga aphantsi.

Izifundo zokufundisa ngokukodwa:

Abafundi bagxininisa kwizifundo ezithile abaza kuzifundisa kumgangatho wezikolo zamabanga aphantsi. Ezi zifundo kufuneka zilandelwe kwaye zigqitywe kwiminyaka emine yokufunda.

UNYAKA WOKUQALA	UNYAKA WESIBINI UKUYA KOWESINE
lilwimi ezimbini (Khetha phakathi: kwe-Afrikaans, isiNgesi okanye IsiXhosa)	lilwimi ezimbini (Khetha phakathi: Isi-Afrikaansi, isiNgesi okanye IsiXhosa)
IMathematika (inyanzelekile)	Qhubeka neelwimi ezigqityiweyo kunyaka wokuqala.
Khetha izifundo ezimbini zoku- fundisa / izifundo zamabanga aphantsi ogqwesayo kuzo kwezi zilandelayo: • IZakhono zoBomi • INzululwazi ngezeNdalo • INzululwazi ngezeNtlalo	Khetha izifundo ezimbini zokufundisa /izifundo zamabanga aphantsi ogqwesayo kuzo kwezi zilandelayo: (uyaqhubeka ngezifundo zokufundisa ozigqibileyo kunyaka wokuqala) • IZakhono zoBomi • IMathematika • INzululwazi ngezeNdalo • INzululwazi ngezeNtlalo



IIMFUNO ZESAKHONO SOKUSEBENZISA IILWIMI EZILIQELA

Ukuze ufumane enye yezi digri, kufuneka ube uyazifezekisa iimfuno zesakhono sokusebenzisa iilwimi eziliqela ngokujoliswe kootitshala, oku kuthetha ukuba kuzo zombini kufuneka ugqibe izifundo zeelwimi ezimbini (ukususela kunyaka 1 ukuya kunyaka 4):

Khetha iilwimi zibe mbini oza kwazi ukufundisa ngazo.
Khetha kwezi zilandelayo:

Isi-Afrikaansi
IsiNgesi
IsiXhosa

Yenza olunye ulwimi olongezelelweyo kwinqanaba lonxibelelwano kunyaka 3:

Oko kuya kuthetha ukuthi ulwimi lwesi-3 olongezelelweyo oya kuludinga ukulungiselela imibandela yezonxibelelwano (hayi ukufundisa ngalo)

Unxibelelwano
ngesiXhosa

'Abafundi abahleli kakade besebenzisa Isi-Afrikaansi nesiXhosa njengeelwimi zokufundisa, baya kukhululeka bona kulwimi lokunxibelelana.

UkuFunda okuHlangene noMsebenzi (WIL - Work Integrated Learning)

I-WIL luhlobo lokuFunda ngokuSebenza apho abafundi baya kufumana ukufundiswa ngokufundisa neendlela zokufundisa, kwaye kuya kufuneka ukuba babukele ze bafundise ezikolweni ngelixa leminyaka emine yezifundo zabo. Amacandelo e-WIL kwezi nkqubo zimbini alolu hlobo lulandelayo:

KuNyaka wokuQala:

IINKQUBO ZOMBINI	
IXesha loNyaka	UHlobo lwe-WIL
Ngelixa lobude bonyaka	Ukubukela, ukufundisa okungephi nokufundisa oontanga-ndini kwiFakhalthi

KuNyaka weSibini noweSithathu:

ISigaba esisiSiseko		ISigaba esiPhakathi	
IXesha loNyaka	UHlobo lwe-WIL	IXesha loNyaka	UHlobo lwe-WIL
liveki ezimbini ekuqaleni konyaka wesikolo	Ukubukela kwisikolo esikufuphi/ esikwidolophu yakho	liveki ezimbini ekuqaleni konyaka wesikolo	Ukubukela kwisikolo esikufuphi/ esikwidolophu yakho
Kwisimesta yokuqala	Ukufundisa kwisikolo esimiselweyo esiluhlakani leYunivesithi yaseStellenbosch	Kwisimesta yokuqala	Ukufundisa okungephi kwifakhalthi
liveki ezi-8 ukuya kwezi-9 zekota yesithathu yesikolo (ikota yesikolo ye-WCED)	Ukufundisa kwisikolo esikufuphi/ esikwidolophu yakho Unyaka 2: iBanga R Unyaka 3: aMabanga 1 ukuya ku-3	liveki ezi-8 ukuya kwezi-9 zekota yesithathu yesikolo (ikota yesikolo ye-WCED)	Ukufundisa kwisikolo esikufuphi / esikwidolophu yakho AMabanga 4 ukuya ku-7

UNyaka weSine:

ISimesta yokuQala	Ulungiselelo lokuqhelanisa nomsebenzi	ISimesta yokuQala	Ulungiselelo lokuqhelanisa nomsebenzi
liveki ezi-8 ukuya kwezi-9 zekota yesithathu yesikolo (ikota yesikolo ye-WCED)	Ukufundisa kwisikolo esiseStellenbosch okanye kummandla wayo	liveki ezi-8 ukuya kwezi-9 zekota yesithathu yesikolo (ikota yesikolo ye-WCED)	Ukufundisa kwisikolo esiseStellenbosch okanye kummandla wayo



Stellenbosch

UNIVERSITY
IYUNIVESITHI
UNIVERSITEIT

forward together
sonke siya phambili
saam vorentoe